

離淳喪樸而大道廢矣殊不知有仁義則有奸狡有智慧則有詐偽有忤逆不和然後知有孝慈有奸邪亂國然後知有忠臣此言大道行則仁義隱大道廢則仁義彰莫若潛仁義而屏智慧則奸狡無所逞其智詐偽無所用其情六親自和民安國治則孝子忠臣不知所在反民風於淳樸復太古之自然而大道行矣此亦一時傷世思古之語也

絕聖棄智章第十九

絕聖棄智民利百倍絕仁棄義民復孝慈絕巧棄利盜賊無有此三者以爲文不足故令有所屬見素抱樸少私寡欲

以聖智之用行則奸佞不能遁其情莫若絕而棄之使民復

道藏輯要

道德上經釋辭

九

心集九
卷三

於淳化之中而利民百倍於鋤奸矣仁義之名立則忤逆不彰而自顯莫若絕而棄之則善惡而無所分別使民復於孝慈矣夫巧足以生奸利足以招盜若絕機巧之心棄貨財之利何盜賊之有也聖智仁義巧利三者見之於外所以爲文名興而實喪三者絕而棄之其文雖若不足而其實則民有所賴矣至人恐人不知其實之義故曰見素抱樸守本貞也少私寡欲去妄情也

絕學無憂章第二十

絕學無憂唯之與阿相去幾何善之與惡相去何若人之所畏不可不畏荒兮其未央哉眾人熙熙如享太牢如春登臺我獨

泊兮其未兆如嬰兒之未孩乘乘兮若無所歸眾人皆有餘而我獨若遺我愚人之心也哉沌沌兮眾人昭昭我獨若昏眾人察察我獨悶悶忽若海颺兮似無所止眾人皆有以我獨頑似鄙我獨異於人而貴食母

絕學者非不學也學至於無所學斯絕學也吾見今人塊然一物蠢爾無知遽云絕學無憂而言不必用心於學問此輩正如盲人騎瞎馬欲之東而往西欲往南而走北不知所從相應何日易曰窮理盡性以至於命蓋言學者始於窮理次於盡性終於復命也故學務求理未有理不明而能盡其性亦未有性不盡而能致其命也故知理者窮之而後可知也

道藏輯要

道德上經釋辭

辛

心集九

盡心以求理然後得之未有不學而能自得者也學盡於心則無所學而理明矣理明心盡而性亦盡故知性者盡之而後可知也然人之性本寂感物而動以生其心心生性遂昧矣若知得吾之性天元初無初亦無知識冥然一念不萌則此心不生而吾之性復矣性復命至故知命者至之而後可知也命者性中之妙窈然冥然不可見聞者也列子云莫知其所以然而然者命也命之理微故孔子罕言之孟子難爲言而善養之浩然塞乎天地之間西昇經云我命在我不屬天地我不視不聽神不出身與天地同其久我與天地分一氣而治者守本根也學至於命則無所學故曰學至於無所

學乃絕學也彼以文辭術藝而爲學者學其一而遺其二得於此而失於彼惟恐見聞之不廣求之於外常苦其不足故憂也聖人足之於內而無所不知故無憂也譬如唯者應之速而爲恭阿者應之緩而爲慢皆應聲也相去不遠而其爲恭爲慢則相去遠矣順理則爲善悖理則爲惡同出於一心相去不遠而其爲善爲惡則相去遠矣其意蓋謂聖凡均之爲學也相去不遠而其爲聖爲凡則相去遠矣竊知聖人之心未嘗不與人同凡人之所畏亦從而畏之如畏天命畏大人畏聖人之言人之所當畏也若以此爲不足畏則肆情縱欲荒亡招殃咎而莫知其極也眾人以嗜味悅目爲樂熙熙

道藏輯要

道德上經釋辭

三

心集九

然耽嗜太牢以爽其口春登高臺以悅其目聖人則澹泊無爲似方生嬰兒之未孩專氣致柔如乘虛御風飄飄然莫知其所止也眾人貪欲無厭惟恐爵祿之不大財貨之不多常懷盈餘之心聖人則捐情去欲遺其耳目猶恐捐之之不盡沌沌然無知無識猶若一愚夫而遊於世也眾人昭昭而自衒其明察察而自逞其智聖人則昏昏而不露其光悶悶而不顯其跡恍惚如在大海之中寥寥然而不見有邊際也眾人皆有能有智聖人如頑若鄙西昇經云眾人皆知得神而生不自知神自生也自生者元妙也故知元爲化本妙是生根萬物賴之以生謂之母也由是知之聖人所以異於眾人

者爲能抱元入妙守本根也故曰而貴求食於母經云常能愛母身乃長久

孔德之容章第二十一

孔德之容惟道是從道之爲物惟恍惟惚惚兮恍其中有象恍兮惚其中有物窈兮冥兮其中有精其精甚真其中有信自古及今其名不去以閱眾甫吾何以知眾甫之然哉以此

孔者大也道不可見而德可見故以德爲道之容也有道者必有盛德之容然其動止合度威儀自然爲其胸中有大常者存故曰惟道是從也道之爲物惟恍惟惚蓋言此道恍有惚無之謂也惚兮無而無中有靈恍兮有而有中無象極言

道藏輯要

道德上經釋辭

三

心集九
XII

不可定之之意也窈者微不可見冥者幽不可測言此道妙微而難爲議擬不能以知見求之之意也然恍惚窈冥之中而有象有物有精者則是無中恍若有也其精甚真其中有信極言妙有而非無也惟其無中之有而爲有中之真卽真空不空之謂也然此妙有前際無始後際無終亘古今不變不易而常存故曰其名不去也閱者見也眾甫者眾理萬事也吾何足以知其事理之當然者蓋以有此妙有而能通天下之理審萬事之情虛以待之順以應之則無所不知也

曲則全章第二十二

曲則全枉則直窪則盈弊則新少則得多則惑是以聖人抱一